

« In quo qui certat, erit in certamine victor;
 « Istis vexillis da semper vincere dignis,
 « Ut vicina ^{mari} neci maneat [a] prostrata sub illis.
 « Ut mare, terras vidi [b], ubi victi sunt inimici;
 « Quae cum viderunt, ipsi sua terga dederunt.
 « Haec simul incedant, ut fratres, tramite recto,
 « Atque revertantur, devictis hostibus, a¹bo,
 « Pulchra sui specie [c] cernentibus ipsa decora;
 « Nam radiant nimium vario distincta colore;
 « Qui legis, o lector, signorum cerne colores ».

Quando dominus Balduinus et dominus Gotfredus et dominus
 Abojamons ultra mare transierunt.

CAP. XVII.

^d Anno Domini M nonagesimo vi [a] Massamutus [A] cum infinita [e] multitudine
 Saracenorum, nostris exigentibus meritis, permissione divina/terram repromissionis/et
 provincias circumstantes a flumine Iordanis usque ad Brachium Sancti Georgii, occu-
 pavit, praeter quasdam civitates et alia pauca loca munita. Quo rumore citra mare
 audito [f], Christiani et maxime ultramontani, ad Terram Sanctam recuperandam tran-
 siverunt (44). Inter quos tres inventi sunt, ceu stellae fulgentes, quorum primus
 est dominus Balduinus [B] qui de progenie Caroli dicebatur; secundus Gotfredus de
 Buglone [g], quem ultramontani de stirpe Auliverii [C] esse dicebant; tertius Abuja-
 mons [h] [D], qui de semine Guillelmi de Orenga [i] ab omnibus estimabatur. Hii
 profecto [j] ab humero et super cunctos supereminebant populos, in rebus bellicis do-

[a] vicina neci maneat. Sic C. V. Vicina neci legit Cl. Mitt.; sed in C. M. neci non perspicue
 apparet; et in eo, pro maneat, est maneat. Legendumne potius: ut vicina mari maneat prostrata sub illis:
 id est Ravenna? — [b] Ut mare, terras vidi. Sic lego, ope C. A. Certe C. M. non habet trascendi, nec
 transfundi, ut alia MSS. — [c] Pulchra sui specie. Sic lego. Spem habent C. V. et Cl. Mitt. — [d] Anno
 Domini M nonagesimo vi. Sic C. M. In C. V., Anno Domini MCVI. — [e] Massamutus cum infinita. Sic
 Codd. — [f] citra mare audito, C. M.; non circa, ut alii habent. — [g] Gotfredus de Buglone. Sic C. M.;
 sed, pro Gotfredus de Buglone, frequentius scribitur Gothofredus Bullionus, vel Bullioneus, vel Buglio-
 nus. Hic fuit dux Brabantiae, vel Lotharingiae, atque optimus pientissimusque princeps. — [h] tertius
 Abujamons. Sic C. M., in quo, modo Alujamons, modo Abojamons, modo Abujamons scribitur. — [i] Guil-
 lielmi de Orenga, C. V., et mea sententia etiam C. M. Cl. Mittarellius legit Guillelmus de Derenga.
 — [j] Hi profecto. In C. M. hii profecto, et saepe deinceps hii habet.

[A] Massamuti passim vocari solent Saraceni. Hic singulariter eorum caput hoc nomine designatur.

[B] Non alium Balduinum huic expeditioni interfuisse novimus, praeter fratrem Gothofredi Bul-
 lionei, qui certe de progenie Caroli non dicebatur. An hic, pro Balduino, Hugo potius, Philippi I regis
 Franciae frater, ponendus erat?

[C] Auliverius hic forte intelligendus erit, qui tempore Caroli Magni, ann. 815, cum quibusdam
 aliis Palatinis apud Roncisvallem praelio interfuit. Vide supra Cap. VII.

[D] Nonne is esse idem credendus est, ac Bohemondus princeps Taranti, frater Rogerii Apuliae
 ducis, filius Roberti Guiscardi Siciliae domitoris, consobrinus Tancredi filii Oddonis marchionis et
 Emmae Roberti, olim Apuliae ducis, sororis?